



Peter Olsen
Inatsisartunut ilaasortaq
Inuit Ataqtigiit

§ 37 tunngavigalugu apeqqummut 058-imut akissut, ilaatigut GUX-imi ilinnialersussatut tiguneqartartut ilinniarnerninnillu taamaatitsisartut pillugit

13-02-2017
Sagsnr. 2017 - 2346
Dok. nr. 4491991

Asasara Peter Olsen

Ilinniarnertuunngorniartarnek pillugu apeqquteqaatinnut Inatsisartut suleriaasissaannik aalajangersakkani § 37 imm. 1 naapertorlugu saqqummiussannut matumuuna Naalakkersuisut sinnerlugit qujavunga.

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

1. Nuna tamakkerlugu qanoq amerlatigisut GUX-nut qinnuteqartarpat?

Akissut:

2016-imi GUX-imut qinnuteqartut 840-simapput.

Qinnuteqartitsineri periaaseq atorneqartoq pissutigalugu GUX-imut qinnuteqarsimasut amerlassusiannut aamma ilanngunneqartarput inuusuttut ilinniagaqarnerinut allanuttaaq qinnuteqartut, taamaattumillu ilaat immaqqa GUX-imi ilinnialernissaminnik pingaarnerpaatitsinngitsut.

2. Nuna tamakkerlugu qanoq amerlatigisut GUX-inut tiguneqartarpat?

Akissut:

2016-imi 541-t GUX-imi ilinnialersussatut tiguneqarput.

Taaneqartariaqarpoq GUX-imi ilinnialernissaminnik qinnuteqarsimallutik itigartitaasut taakkuummata qinnuteqaqattaarnerminni ilinniakkamik allamik pingaartitaminnik qinnuteqarnerminni aamma itigartitaasimasut. Taamaattumik qinnuteqartut amerlassusiata itigartitaasullu amerlassusiata imminnut naleqqiunnerisigut GUX-imi ilinnialernissaminnik qinnuteqarlutik itigartitaasimasut naatsorsorneqarsinnaangillat.

a. Tiguneqanngitsoorneq sumik tunngaveqartarpa?

Akissut:

GUX-imi ilinnialernissamut itigartitsinerit qinnuteqartut GUX-imi ilinnialernissamut piumasaaqatinik naammassinnissimanginnerinik pissuteqartarput. Tiguneqarumalluni misilitsinnermi angusisimaneq imaluunniit immikkut akuerineqarneq tunngavigalugu qinnuteqartoqarsimagaangat ilinniarnertuunngorniartarfiup qinnuteqarfigneqartup rektoria maleruagassat atuuttut naapertorlugit nalilersuisarpoq qinnuteqartup piginnaassusii uppersaatissartaqartut ataatsimut isigalugit, taamalu tiguneqassanersoq aalajangiiffigisarlugu.

GUX-imi ilinnialernissamut piunasaqaatit uani takuneqarsinnaapput: "Ilinniarnertuunngorniartunik ilinniartunngortitsisarneq pillugu Namminersorlutik Oqartussat nalunaarutaat nr. 3, 31. januaari 2013-imeersoq".

3. Ukiog siulleg atuartuni qassi procent GUX-iniit atuarunnaartarpat?

Akissut:

Ilinniartut 2013-imi aamma 2014-imi aallartissimasut 31,5 procentii ukiup siulliup ingerlanerani taamaatissimapput. Ilaalli tamatuma kingorna aallarteqqissimapput. GUX-mi ilinniartut agguaqatigiissillugit 50 procentiisa missaat ilinniarnerminni naammassisarput.

a. Suna pillugu atuarunnaartarpat?

Akissut:

GUX-imi ilinniartut taamaatittarnerat arlalinnik pissuteqartut nalilerneqarpoq. Amerlanerpaat ajornartorsiutinik sivisuumik atukkanik ataasiartaannaanngitsunik pissuteqartarlutik.

Taamaatittarnermut pissutaasartunik allattukkat matuma ataaniittut taamungaannaq tulleriinnilersugaapput. Allattukkat tunngaveqarput Kalaallit Nunaanni inuusuttut ilinniarsiini taamaatittarnermik misissuinerneq nalunaarusianik (takukkit "Study of dropout and completion at Vocational Education and Training programs in Greenland" aamma "Taamaatittarnermik misissuineq 2010 – Ilinniarnertuunngorniarni ilinniartut taamaatittarnerannik misissuineq."

<http://naalakkersuisut.gl/da/Naalakkersuisut/Departementer/Uddannelse-Kultur-Forskning-og-Kirke/Publikationer/Evaluering>), kiisalu ilinniarnertuunngorniarni ilinniartullu namminneq pissutaasutut taakkartortagaat.

Taamaatittarnermut pissutaasartut ilinniartutulli taamaatiinnartut amerlatigisinnaammata pissutaasunik allattukkat tamakkiisumik nassuiaataasinnaangillat.

Taamaatittarnermut pissutaasartut:

Angerlarsimaffimmi najugaqarsimalluni angerlarsimaffiup avataani najugaqalerneq.

- Kollegiami inuunerup imarisai unamminiarnartuulu.
 - Illoqarfimmit/nunaqarfimmit illoqarfimmut ilinniartoqarfimmut nuunneq.
 - Angerlarsimaffimmit kollegiamut nuunneq tassani "imminut isumagilerneq".
 - Ilaquttanik atukkanillu sungiusimasani maqaasilerneq.
 - Ilaquttanik ikinngutinillu tapersersortissaaleqilerneq.
 - Il.il.

Meeqqat atuariannit inuusuttut ilinniarniannut ikaarsarneq.

- GUX-imi ilinniarnernuup imarisai, piunasaq kissaatigisaalu.
 - Ilinniarneq nutaaq allatut ilusilik, imalik piunasaq ilillu.
 - Ilinniarnikkut kulturi nutaaq – imarisamigut, oqaatsitigut, kulturikkut il.il.
 - Ilinniakkamik toqqaanerliorneq, taamaattumillu atuarunnaarneq.

- Il.il.

Inuttut atugarisat

- Angerlarserneq.
- Ilinniartup ilaquataasaluunniit atugarisaasa allanngornerat.
- Inooqatigiinnikkut tarnikkullu pissutsit.
- Il.il.

4. GUX-ini aallartittuningaanniit qasserarterutaat naammassisarpat ukiuni kingullerni pingasuni?

Akissut:

Matuma ataani tabelimi takuneqarsinnaavoq ukiuni taaneqartuni ilinniarnertuunngortut procentinngorlugit qassiunersut.

	2011	2012	2013
Naammassisut	59%	55%	52%

5. GUX-ini atuarunnaartartut ikilisarniarlugit qanoq iliuuseqartoqartarpa?

Akissut:

Qitiusumik aammalu ilinniarnertuunngorniarfinni ataasiakkaani arlalippassuarnik suliniuteqartoqarpoq taamaatittarnerit ikilisarniarlugit naammassisartullu amerlisarniarlugit.

Matuma ataani allattorneqarput qitiusumik aammalu sumiiffinni ataasiakkaani suliniutaasut, taamaatittarnermut pissutaasut siuliani allattorneqarsimasut eqqarsaatigalugit iliuuserineqartut.

Angerlarsimaffimmi najugaqarsimalluni angerlarsimaffiup avataani najugaqalerneq

- Ilitsersuutit ilinnialersussanut / ilinnialereersimasunut angajoqqaavinullu sammisitat (soorlu dokumentarfilmi "Matup Tunuani", kollegiami inuuneq angajoqqaanullu attaveqarneq ilinniarnermilu tapersersorneqarnissaq pillugit.)
- Kollegiani sulisut ilinniartunik ikiuillutillu tapersersuisut soorlu ulluinnarni isumagisassat nalinginnaasut pillugit inooqataanikkullu pisariaqartutigut.
- Sulisut assigiinngitsunik sammisassaqartitsisut nuannersumillu peqatigiissitsiniartut.
- Il.il.

Meeqqat atuariannit inuusuttut ilinniarnertuunngorniarfiillu ikaarsaarneq

- Ilinniartitaanerup ilusaa, imarisai piumasaalu pillugit ilitsersuutit.
- Meeqqat atuariisa ilinniarnertuunngorniarfiillu ikaarsaarnermik ajornannginnerulersitsinissaq pillugu suleqatigiinnerat.

- Pikkorissarnerit pædagogikkimillu soraarummeersitsinerit GUX-imi ilinniartitsisunngorlaanut ilinniartitsisutoqqanullu pikkorissaataasut.
- GUX-imi ilinniartunut sammisitanik ilinniartitsissusiorneq.
- Ilinniartunik ilitsersuineq soorlu ilinniagassalerisinnaanermut, inuttut atugarisanut il.il. tunngatillugu.
- Il.il.

Inuttut atugarisat

- Ilitsersuineq aamma coaching.
- Ilinniarnertuunngorniarfiup piginnaasaqarfittut susassaqaafiisa avataatigut ikiorsiisinnaasunut ilinniagaqarsimasunut innersuussineq.
- Il.il.

Ilinniarnertuunngorniarfeqarnerup nunatsinni tiguneqarneranut atatillugu ilinniarnertuunngorniarfinni ilinniarneq tamarmi 2012-imi allanngortinneqarpoq, aamma ilinniagassanut pilersaarutit atuartitsinermullu ilitsersuutit tamaasa eqqarsaatigalugit. Taamaalilluni ilinniartitaaneq Kalaallit Nunaanni ilinniartitsinerit aaqqissugaanerannik aallaaveqarnerulersinneqarpoq. Didaktik, iluseq ilinniagassallu ilinniartunut naleqqussarneqarput, taamaalillutik ilinniartut sapinngisamik amerlanerpaat sumiiffinni pissutsit aallaavigalugit nunani tamalaani qaffasissutsinut angummassinnaaleqqullugit. Assersuutigalugu ilinniarnertuunngorniarfimmil ilinniartitsisut ilinniartitsisinnaalernissamut piumasaqarfigineqarnerat annertusineqarpoq, ilaatigut kulturi tunngavigalugu ilinniartitsisinnaaneq oqaatsillu ilitsoqqussarinagit nalunngisat atorlugit ilinniarnermut naleqqussaaneq pingaartinneqarlutik.

2012-imi GUX-ip aallartinnerata kingorna ilinniarnep aaqqissuussaananeramik ukiut tamaasa nalilersuisoqartarpoq, misilittakkallu aallaavigalugit 2017-imi iluarsisoqassaaq. Ilinniartut, ilinniartitsisut ilinniartifillu tamatumani akuutinneqarput, taamaalilluni ilinniartitaaneq ataavartumik nalilersorneqarlunilu naleqqussarneqarsinnaaqqullugu.

6. GU-qarfanni naammassisut qassit ingerlaannaq ilinniarnertik nangittarpaat?

Akissut:

GUX-imi ilinniarnertuunngortut qanoq amerlatigisut tamatuma kingorna ukiut marluk ingerlaneranni ilinniakkamik aallartitsisut matuma ataani tabelimi takuneqarsinnaavoq.

Ukioq naammassiffik	2013	2014
	58 %	67%

7. GU-mi naammassisut ingerlaqqittullu sumut ilinniartinnut ingerlaqqittarpaat?

Akissut:

Matuma ataani tabelimi takuneqarsinnaavoq ukiut marluk iluanni GUX-imi 2013-imit 2014-imit ilinniarnertuunngortut qanoq amerlatigisut ilinniakkanut qanoq qaffasissusilinnut ingerlaqqissimanersut (immaqa ilaat ilassutaasumik piareersariarlutik).

	Inuussutissar- siummik ilinniagaqarneq	Sivikinnerusu- mik ingerlaqqiffiu- sumik ilinniagaqarneq	Bachelor	Ilinniakka mik aallartitsin- ngitsut
2013	13,1%	5,4%	39,3%	42,2%
2014	21,1%	8,6%	37,1%	33,2%
Katil- lugit	17,2%	7,1%	38,2%	37,5%

Inussiarnersumik inuulluaqqusilluta


Doris Jakobsen